



24.April.2017

UPA2017/21

Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisissaattut siunnersuut

(Aningaasaqarnermut Akileraartarnermullu Naalakkersuisoq)

Akileraaruserinermi Inatsisartut inatsisaata allanngortinneqarnissaanik siunnersuummut saqqummiunneqartumut Partii Naleqqamiit imatut oqaaseqarfigissavarput.

Tusarniasimanerit allaavigalugit ippinnartoqartinneqallataarsimasoq maluginiarparput tusarniut.

Taassuma saniatigut maluginiakkatta ilagaat qanoq sunniuteqarumaarnissaani naliliisimanerni imatut allaqqasoqarnera siulittaasoq ? issuaalaarpunga issuaaneq aallartippoq.

“6. Innuttaasunut sunniutissai

Naammagittaalliorsinnaanermik killilersuinissamik siunnersuut innuttaasut inatsisitigut illersugaanerannut sunniuteqarsinnaavoq. Naammagittaalliorsinnaanermik killilersuinerup siullertut kingunerisinnaavaa naammagittaalliuutit pilertortumik allaffeqarfikkoortumik naammassineqartarnissaat, tamannalu inatsisitigut illersugaanerulernertut isigineqarsinnaavoq. Naammagittaalliorsinnaanermik killilersuinerup akerlianik kingunerisinnaavaa, naammagittaalliuutip misilinneqarnissaata eqqartuussivimmi toqqaannartumik pisussanngornissaa. Naammagittalliummik eqqartuussivinni misiliinerit aningaasartuutaasorujussuusinnaapput, taamaammallu innuttaasut inatsisitigut illersugaanerannik sakkukillisisititut isigineqarsinnaallutik, innuttaasummi taamaaliornissamut aningaasartuutaajumaartussat akileraaruseriffiup aalajangiineranik misiliisitsinissaminnut tunuarsimaarutigisinnaammatigit.” Issuaaneq naavoq.

Issuaaneq aallaavigalugu Partii Naleqqamiit eqqarsarnartoqartipparput inuttaasunut ajorseriaateqarsinnaanera, aammalu kaammattuutigerusupparput una suliaq peqqissaarulluinnarlugu ingerlanneqarnissaa.

Taamatut oqaaseqarluta aappassaaneerseqartinnagu ataatsimiititaliamut susassaartumut innersuunneqarnissaa kissaatigaarput, ataatsimiititaliamiittullu sulilluarnissaanik kissaallugit

Henrik Fleischer